

仙槎自壽徵詩集

劉炳玄題箋



徵

詩

集

儂

耀

古

卷



諸封資政大夫仙槎仁兄廣文先生七秩壽言

維曾子輿氏實接道統之傳而孝經書貫萬事

萬物无不之具其資於事父以事君尤揭綱常名

教之大原與大學齊家治國之言彌綸綜錯精矣

備矣東漢經生廼闇汶忠孝同原之理緣已意作

忠經補之為駢拇為枝指顧不妄以謬哉若吾友

仙槎仁兄廣文先生則真能以齊家為治國而喆嗣

伯宣太守其庶幾用孝作忠者已

先生席七葉明經博士之傳根器穎異應童子試輒

見賞於邑之諸名宿又以貴雄於里閭法書名畫

仙槎自壽徵詩集 卷一 文

樽彝球鼎之屬填溢几案宵深昏黑時露光氣諸

老瘡樂與居游無何赭匪亂作全家烏徙諸貴物

碎為邨氓祛篋去

先生隱知其人而揜之唯書味醱醱雖竄荒墟輒以

一編自把曰余不以此易宅嗜也字內既夷而家

中落矣然居鄉課徒訓農垂三十年未嘗不怡然

自得初

先生亦嘗究心兵學數學游六安識劉壯肅徵時往

還廬州會張靖達治兵鄉閭與

先生縱譚兵事甚器之旋靖達奉

命視師創募樹字之營思得相助爲理而同時李幼荃
都轉亦屢召之皆不赴唯中間一還書李公謀所
以贍其業師之子秦某旣報可是後二公大顯遂
不復通問晚年避家務一出襄徐州巢湖戎幄占
驗奇中事機皆賴以決暇則與幕中諸友登高陔
新詩嘗繪乘槎圖徧徵題詠又自題其詩曰乘槎
小草其冲淡清遠之旨流露於詞氣蓋

先生高隱之志已於三十年前定之而豈僕僕於形
勢之塗遭時不偶廻巧爲充隱能希其萬一者耶
先生旣無意於功名仕進於是壹意型家諸所施爲
均可爲隣里族黨法詠諧闊達輕財尚義一秉其
淮北任俠之風而嫉惡剛嚴遇不韙者輒鬚髯奮
張戟手詬罵故往往有德之者轉從而怨之

先生處之夷然久之皆相與革面洗心踵門而自責
蓋數十年之久左右三十里薦紳珥筆之徒類彬
彬乎出其門謳唸思慕形諸齒頰以謂

先生如此迺可以貴其子矣伯宣雖由諸生躋郡伯
先生顧不肯徠就其養歲一至金陵肫戒之則覩縷
其施爲以爲提命曰余平日建義倉振乏若氓無

餓孳時汝之功余施藥餌以濟人若氓无災禘天

札時汝之能余掩骼多矣汝之官氓毋有露齒也
余采節孝維勤矣汝風汝氓毋不上聞也伯宣必
跪受教

先生廼卽安由斯觀之則

先生之所以達於家者隱乎爲在邦之地而伯宣體
父之言以爲孝卽稟父之行以爲忠忠孝之門天
與之焉茲歲冬爲

先生七十誕壽伯宣有子五人皆嶄然露頭角其長
孫養五茂才又甫以文學受新學使者知

先生顧而大樂伯宣於是率其子就旅邸稱觴介壽

仙槎自壽徵詩集

卷一

文

三

述

先生之嘉言懿行索文以爲重余與

先生通家義無可讓爲推闡其喬梓賡續之緒以見
麋壽昌熾匪无因而致而伯宣齡方彊仕它日之
所以榮其親者殆未有涯量且用以勉其遠志云
卽孝卽忠彼漢人必歧而二之亦獨何歟

誥授光祿大夫太子少保協辦大學士禮部尙書通家

世愚弟徐卮拜撰

卒不就晚年一出襄幕徐州亦不久卽辭去必其所樂有逾乎此者矣且

先生又非落落難合人也其鄉居無貴賤疏戚莫不親而敬之卽在戎幕中上客多賢豪或狂士不可一世亦莫不相傾倒以一識面爲幸也然則其和易又可想矣或有問聞他人盛偁君避難時處鄉人竊數千金衣玩不究事古達人所難本末若何先生笑而不應也此非盛積深識夷然於得失者豈能一日勉而爲之也哉故非特承教澤之士與銜恩被煦嫗者祝頌難老而已吾不知彼大用於世

仙槎自壽徵詩集

卷一

文

五

其所獲於天與人果逾於此復幾何也今年十一月爲七秩壽辰長公子維藩以諸生爲江南道員也乞就養便慶祝還書敕之大意言吾家無顯官然累代以善士名具在邑乘但自慎官不在供養吾就養不若家居樂也然則先生真有其樂者也自聖人以樂壽分屬智仁泥者不得其解夫惟樂者而後能壽耳且彼壽而不知樂者役役聲利頭童齒豁無毫髮補於世愈壽愈不樂甚矣是

先生之所羞也

賜進士出身總理三江師範學堂教習江蘇卽用
知縣世愚姪吳獬拜撰

仙槎自壽徵詩集

卷一

文

六



辰綬世愚姪吳獬拜撰

賜進士出身總理三江師範學堂教習江蘇卽用

又

嘗聞賢才之生於世不擇地雖然自吾竊觀之天
苟生一大有爲出爲世用之人則必兼生無算數
爲此一人用之人而此無算數賢才旣爲彼一人
用矣亦必有一得焉一能焉久之轉相緣附各擁
勢蒸奮而止仍并化爲出爲世用之人亦或有雅
負所得所能而不甘屈已不欲爲一人用者如此
固已絕少然而人旣生無算數爲一人用之人天
亦必生此少許不盡爲一人用之人故究實實皆
不啻出爲世用皆不啻隱然爲彼一人之出爲世

仙槎自壽徵詩集

卷一

文

七

用者而生卽仍不啻爲一人用此在史家與方志
家書率屬見非一見矣然則天生才與其地豈偶
然哉易曰拔茅連茹又曰雲從龍風從虎詎不然
歟詎不然歟今夫吾皖巨浸名者巢湖蓋巢之爲
湖自太史公書卽號南北湖爲一都會抑亦賢才
之產地也曩昔咸同之交粵寇挺起南荒而橫棄
毒於江淮於是湘楚名德勝士曾胡江羅王李彭
左並負雅材出其讀書之山憤冒國難及扶義東
指而吾皖豪傑合肥李文忠公之徒亦曾許出應
之用是有湘淮軍之僂以翊成我

聖清中興偉烈侯官沈文肅公嘗謂當時人材湘始之
淮繼之猗其盛哉雖天生材與其地意不唯是始
如嚮所稱落落十數公者出爲世用而已抑必與
生有逃世之士數人者焉吾考楚士自赫然諸公
外又有巴陵吳氏武陵楊氏湘潭王氏其所學者
雖不肯以日用於區區功名間而別以儒術名若
吾皖則預此統者蓋鮮兵興以來惟桐城吳氏止
爾必若不得已者敢問其次則五峯王先生之合
肥抑其人也雖然疑若少恭然嘗獨怪夫吾皖巢
湖凡得支汊名者三百六十有餘其視楚之洞庭
湖宜若無大遜者而潛霍天柱諸峯古實與衡山
更號稱南岳牲糈秩祀視他山水固殊焉意其產
物蕃碩山靈變化瑰璋必非彼爲世用諸公所能
盡也他日游金陵館巢人胡伯宣太守家兩弟子
鍾麟炳麟出謁怪其無裙屐治狀固已懸知其必
有家學異人者矣頃之復得見其

太翁仙槎先生然後歎沈公之言不誣然後知吾皖

湖山靈變多而不可窮也然則以儒術論若

仙槎胡先生之在巢真其人也

先生爲人清削蕃縮而有健氣方瞳澤口微髭隱頰

仙槎自壽徵詩集

卷一

文

八

於間如墨不類齒過六十肢骸耳目官之力皆絕常
先人神采特異王晨山過市傭庶野老皆喜從之戲
至竟日諧謔不厭跌宕方雅常被古巾服倜儻有
魏晉人韻夷然而不囂儼然而無所事洵古之君
子也其才嘗精研兵家言術數家言而又屢辭淮
北將帥之招唯晚年避俗務一佐徐州巢湖戎幕
發策奇中功成而身隱其德挾家貲珍玩名品券
契簿記之屬值數千金粹受詐於人而不怨而反
於以德好視之仁恤義行無不助其有成至窮老不
倦其學足以貺其鄰里酬其友沾丐其徒留遺其

仙槎自壽徵詩集

卷一

文

九

子孫吾所云不甘屈己不盡爲一人用之賢才

先生非耶今年孟冬

先生登壽七十算伯宣太守羈官金陵冀迎養未獲

適其長孫鍾麟方以文學受學使者知能繩祖武

繼以儒術顯將歸敬爲其父寄晨風之思補蘭陔

之聲景章不文竊嘗溯江至

先生居城登附諸峰以眺湖景緬姚王耿俞諸侯家

之英風尋訪近時蕩寇戰蹟越今年餘每彷彿思

之猶依然如與

先生在南巢以縱游時也故敢復有天地生才之說

焉鍾麟行矣試持此文誦諸乃祖

先生之側庶幾顧而笑也乎

賜進士出身署理湖南嘉禾縣知縣世愚姪邱景
章頓首拜撰

仙槎自壽徵詩集

卷一

文

十

先章頓首拜撰

如進士出身署理湖南嘉禾縣知縣世愚姪邱景
章頓首拜撰

嘉禾縣知縣世愚姪邱景

仙槎自壽徵詩集上

服慈子葉軒齋詩

國氏

余先代累世饒於資財廣行陰騭咸豐初年值洪

楊浩劫家計中落備嘗艱苦迨同治三年克復金

陵邑人相慶更生余家漸復青氈舊業今歲冬月

鳳為七十賤辰里門親友以

潘兒

需次江蘇頗承上

文游青睞而

長孫頤福

八月間又賦采芹咸謂宜慶

賀古稀以娛晚景余自維涼德須珍惜物力艱難

何敢勞親友厚貺因勉作七律四章以謝之兼以

誌滄桑之感倘愛我者能惠以箴言俯賜和章吾

且敬付梨棗以壽將來則受賜多矣錄呈

仙槎自壽徵詩集

卷上

一

大吟壇教正並求

玉和是幸

甲辰秋仲居巢胡效騫仙槎甫初稿

彈指光陰七十秋霜華未上老人頭

余鬚髮尚黑

菴弧難拔

文壇幟

丁卯鄉試房薦

鳳詒新添海屋籌

今秋潘兒為請二

封典

但願兒孫承舊德

余累代以好善稱事載邑乘

何妨貧賤服先疇

君恩高厚宜圖報可奈桑榆志莫酬

時難年荒昔備嘗樓臺都付劫紅羊

余先世第宅園林軒爽經洪楊之亂

一門訓善慚通德七葉傳經發古香

自高曾祖父以來世列膠

蕩然

一門訓善慚通德七葉傳經發古香

竹祖恩深思罔極余幼失怙恃深賴祖父母撫養成立蘭孫春滿喜聯

芳十八年前藩兒入泮今秋長孫頤福又僥倖游庠憐余一事殊難遣接也雙

雙競末光余三四兩兒幼聰穎赴試屢列前茅均於十六七歲時相繼病沒兩媳皆過門守節而三

媳於光緒甲午物故已請旌表

戎幄曾經廿載違彭城草檄筆如飛余於光緒初年遊幕徐州鳳字軍營

多功名未遂封侯願鞍馬徒勞仗策歸海上乘槎甘豹

隱宮衙剛畫士爲余繪乘槎小照湖邊垂釣羨魚肥怕聽世俗維新說

辜負

皇恩愧隱微

莫道今吾勝故吾滄桑變態感嘻吁縱談時事才嫌拙

仙槎自壽徵詩集卷上

重論詩文學已孤時倚新學立已敢云稱善士邑中積穀學堂暨彙旌節

孝諸義舉均襄贊有成濟人何恤笑貧儒宗族親友有急難者勉力應之誰言介

壽宜開宴請讀煌煌

聖母謨本年十月慈禱皇太后七旬萬壽中外懿旨以時世艱難諱

諱語誠停辦何況士庶人家敢言開闕延賓乎高明當不以余言爲謬也

再疊前韻

記昔乘槎春復秋閱人閱世早回頭每當月夕聯詩社

且把花枝當酒籌大地榮華皆泡影故鄉安樂是田疇

自慚七十無他技敢望賓朋共獻酬

書劍無成學未嘗十年曾自悔亡羊得時桃李都增蔭

晚節松筠自在香家計那堪添俗累二女六月病故庭

前且喜吐奇芳今秋長孫游泮喜極兒曹有志謀升斗利用先觀

上國光

杖國年來志願違故園逸興尚遄飛怡人花草春常在

久客兒孫夢欲歸潘兒攜眷需次金陵卜易惡占天地否觀書愛

讀國家肥

宸衷自有安攘策情勢華洋默契微

平治何人自命吾唾壺一擊一嘻吁雲沉北極遮燕薊

月滿南巢照姥孤湖內二山名變夏變夷開學界作狂作聖

辨真儒渭濱尚有熊飛夢四海賡歌丕顯謨

仙槎自壽徵詩集卷上

三

延清字子蘭蒙古人內閣侍讀學士

古稀

聖母富春秋時艱奉皇太后七旬萬壽以懿旨停辨

玉輦排雲駐

殿頭十月初十日升排雲殿皇上恭肅百官行禮 頤和園 松嶺夜

明燒鳳燭萱闈曉闌唱雞籌

九重

帝陛新

頒詔五福人寰亦錫疇惟有浮槎山下客杖朝夙願老

來酬

婺源數典舉烝嘗

婺源胡姓為皖中巨族

子弟詵詵奉祀羊

歐陽文忠

公贈胡安定詩有吳興先生富道德子弟詵詵多賢才之句

篋守一縑傳及遠書詒

萬卷燼餘香

公先世藏書甚富以遭亂焚失殆盡

藻芹泮水分摘秀蘭桂

庭階競吐芳

公先世世列膠庠令嗣及文孫亦先後入泮

貞節後先旌子婦

見公詩註齊名家乘愈增光

從戎幾載故鄉違報捷彭城露布飛

公於光緒初年游幕徐州廬郡

晨星當軸在巢湖夜月泛舟歸兩齋教授賢才蔚百世

經營物產肥

公允世饒於貲財

爭似先生甘豹隱寫真喜得陸

探微

宮衙卿畫士為公繪小照

六旬將屆已支吾

僕來年亦六十初

遠不如公亦可吁惠起長

仙槎自壽徵詩集

卷上

四

生同菊壽

唐胡惠起年嬰百歲

康侯獨秀似松孤

宋胡安國字康侯謝良佐嘗稱

其如大冬嚴雪百草萎死而松獨秀云云

承歡綵服追萊子

謂哲嗣伯宣直刺

矢志

韋編踵宋儒

宋胡謙守牧之師事袁夔傳陸象山學著易說易林等書

豚犬何修陪

鯉對行看入畫獻嘉謨

松岳

字少山滿州人安徽候補直隸州前兵部主事

聞風千里祝千秋拜讀瑤篇石點頭范老早心天下任

張公會首幕中籌一衿今又衣三代五福斯能履九疇

獻壽命將詩當酒陽春白雪總難酬

飽德何須甘旨嘗不誇朋酒與羔羊和羹子進鹽梅味

拾芥孫添芹藻香累葉詩書官自顯一門忠孝節尤芳

全家福又長生樂應拜

丹墀荷

寵光

漫言時事與心違定有祥熊入夢飛國重元臣隆善養
天生大老盍來歸年同亞父興巢邑地接文忠比合肥
百二高齡今尙早功名事業豈些微
松雲軒冕總真吾莫作遺賢動帝吁道化九夷居不陋
德追三代學非孤白雲留住山中相芳草傳聞海內儒
閉戶著書能壽世維持風氣卽嘉謨

彭年

滿州人京口駐防
江蘇卽用知縣

仙槎自壽徵詩集

卷上

五

黃花晚節耐嗔秋壽相爭誇未白頭近喜同舟接仙侶

年與共樹伯宣
兄其事多年

早聞入幕運良籌

公於光緒初年游幕
徐州鳳字軍營甚久

華封自昔稱三祝洪範於今衍九疇南極老人星正爛

耆英雅話續賡酬

莫非戲寶蓮帝和數人夷氣不剛

當年浩劫一身嘗梓里園亭儘牧羊眼界洞明覘大節

心田灌溉發奇香鸞章錫第芝泥燦鳩杖頽朝竹帛芳

更喜

皇恩旌節孝春來闕閣頓生光

磨盾曾經壯志違鵬程未奮漫雄飛亭前放鶴隨雲去

湖上騎驢踏雪歸早歲功名甘蠖屈故園風味愛鱸肥

家山在望難招隱我亦吟詩詠式微

余先世時防京口尚有茅屋數椽兵

燹焚燬殆盡其地址不可得而尋矣

守舊人嗤君與吾盱衡今昔付嗟吁半生學邃書還讀

累葉文明德不孤有子才能支大厦諸孫名已噪羣儒

古稀允合稱觴祝節儉猶將體

聖謨

龔鎮湘

字省吾湖南善化縣人戊辰進士安徽廬州府知府

祝我懸弧九月秋驪珠錯落玉盤頭香山白傅聯詩社

佳節黃花當酒籌喜遇古稀符單豹且欣多福錫洪疇

衙齋鬥韻聲纔歇載誦瑤篇又唱酬

仙槎自壽徵詩集

卷七

六

延齡酒熟勸君嘗持贈銘詞頌吉羊南北臺萊增瑞靄

春秋蘭桂發奇香

紫宸新沐

九重誥彤管長留百代芳難得躋堂將祝嘏孫枝芹藻

並增光

莫道功名與願違青雲未共鳥爭飛清高不被風塵縮

耆老應看福祿歸適意蕘羹鱸膾美賞心樽酒蟹螯肥

隨時吟詠饒真樂閒補詩篇學廣微

拔劍高歌老歎吾儷懷時局發長吁那堪江海風潮亂

太息雲霄月影孤迴挽狂瀾期志士扶持世教仗真儒

多君積善留餘慶壽世身堪作楷模

黃紹堃

字定甫浙江諸暨縣人安徽巢縣知縣

五百年春五百秋鴈飛蓬島醉扶頭待褒人瑞安車錫
每恤時艱借箸籌合向商山儕綺里應教齊野聘錡疇
國恩家慶同康樂好把新詩作唱酬

甘回蔗味雅都嘗博得壺銘大吉羊一代鴻文編簪富
千秋里乘姓名香無瑕白璧矜完璞有約黃花競晚芳
俾壽而臧饒吉識百年天爲駐春光

漫道傳經心事違龍孫又得點睛飛種花有子東吳去
載酒邀朋北郭歸崇儉敢虞無肉瘦明誠夙誠食言肥

仙槎自壽徵詩集

卷上

七

今朝南極星輝朗

堯母筵開拱

紫微

結構幽廬稱愛吾傷時輒復一長吁傳家有法賢爲寶
樂善留名德不孤評隲古今耽馬史笑談風雨集鴻儒
會徵令子趨

朝日頌協明廷贊典謨

再疊前韻

英爽精神邁九秋老成端許屬龍頭人來祝嘏扶鳩杖
天與延齡紀鶴籌王烈大名垂里閭陶潛小隱樂田疇

釣游借點昇平景休道風雲志未酬

辛苦烽煙昔備嘗還從歧路慨亡羊愛看紅樹歸舟穩
笑趁黃花晚節香會到耆英留後約善貽孫子蔭餘芳
前身合是神仙侶不數容成卽務光

難全忠孝寢門違雛鳳雲霄奮翮飛卻慕謝公賚遠志
不爲姜母寄當歸夢懸松水菡鱸美家傍巢湖稻蟹肥
水石清幽娛老景輞川圖畫拓神微

千霄劍氣躍昆吾驀地抽簪息喘吁曠代文章空史漢
一身經濟負公孤偶排橫議訾新法能肄羣言駭俗儒
今日眉梨昌壽宇躋堂我亦佐觴謨

仙槎自壽徵詩集

卷上

八

華良貞

字葆廉江西鉛山縣人安徽集縣典史

九天仙鶴碧雲秋唾落珠璣在上頭此日公堂觥合獻
昔年戎幄筆曾籌長生訣在開丹竈小隱時還課綠疇
聖世何當遺大老搏鵬壯志未教酬

愛士風流媿孟嘗湖山佳處任相羊當前怕負詩文債
裕後常留翰墨香偶作草書爛入法閒繙花譜品羣芳
斯人合作詞壇長彪炳終昭野史光

幾番教孝戒無違哲嗣如龍破壁飛品是神仙王子晉
才兼文武尹翁歸潔清勵俗風猶古敦睦傳家道自肥
作善降祥天寵渥壽星光遠認熹微

謹慎持躬日省吾浮沈濁世動咨吁欲扶名教先形瘁
倒障狂瀾奈力孤變幻早經窮魁魍談諧那復羨侏儒
猷分百里慚材拙願把新詩當典謨

金慶元

字善臣浙江山陰縣人安徵侯補縣丞

南極星輝七十秋高譚雄辯總昂頭生申爭上岡陵頌
算亥新添海屋籌百里湖山甘豹隱千春福祿衍鴻疇
壽言頌到同欽佩服賦巴辭作唱酬

北海尊開勸客嘗介眉誰弗頌羔羊妙年挾策英雄志
晚歲長吟翰墨香

綸綺九重頻

仙槎自壽徵詩集

卷上

九

錫籠藻芹七葉遠流芳歲寒松柏青猶昔巢水常留魯
殿光

漫云壯志與時違高舉難如彩鳳飛喆嗣早爲廊廟重
明公恰好故園歸思親每恨春難駐周急渾忘家不肥
媲美耆英无愧色香山老去道心微
一官匏繫愧今吾鹿鹿風塵枉歎吁老眼羨公如月朗
寄身似我比雲孤祥麟威鳳真人瑞酒虎詩龍陋俗儒
如此才人如此福都緣裕後有良謨

張爾功

奉天人侯選縣丞

遐齡共慶八千秋七十詩翁向黑頭老向騷壇稱健將

壯游虎幄妙持籌華封不厭呼三祝洪範同爭獻九疇
贏得滿堂好兒女彼蒼端以此相酬

大德誰云報未嘗克家有子賦羔羊唯欣座上金樽滿
獨羨堦前玉樹香不朽棗梨推盛事後彫松柏壓羣芳
請看梓舍

恩濃處

雨露新霑

北闕光

荆州未識恨相違仰企高賢興欲飛應爲香山增座位
喜歌彭澤賦來歸凌空椿樹經霜古壽世梅花合雪肥

仙槎自壽徵詩集

卷上

十

啓後承先尊齒德薪傳誠恐失精微

金石新詞足牖吾抗吟無復舊長吁慈心濟物仁爲質
善氣薰人德不孤傳誦清芬娛晚節扶持名教賴真儒
瓣香願晉期頤祝弗祿綿延翊燕謨

楊德鏢

字耀珊江蘇上海縣人
進士安徽涇縣知縣

似水流光春復秋生平閱歷溯從頭文壇爭羨先鞭著
戎幄曾資借箸籌夙仰鴻名高北斗自甘豹隱樂西疇
彭城偉績傳人口漫道凌雲志未酬
頤養林泉况味嘗神仙何慕石成羊恩承

紫諾

絲綸渥世守青氈姓氏香芹藻歌詩欣濟美松筠砥節
並流芳仁漿義粟沾漑軼事還增志乘光

欲識荊州願尙違揮毫想見興遄飛心從異地苔岑契
春自先生杖履歸兩字功名如水淡一堂孝友羨家肥
不須別學長生術采藥深山訪翠微

後起英多足慰吾時艱蒿目動長吁椒馨敬謝同儕祝
莪蓼愴懷早歲孤室有藏書思舊澤門旌通德仰真儒
階前蘭桂勤培植待看他年贊

廟謨

寶鎮山

字甸膏河南河內縣人江蘇候補知縣現署元和縣

仙槎自壽徵詩集

卷上

七

松柏經冬菊茂秋挺然獨秀萬山頭芝蘭繞膝森如玉
帷幄談兵妙運籌壯節性豪吳魯肅奇才年少漢田疇
文人從古多高壽自壽詩成索唱酬

有子才雄似孟嘗銅符待綰牧羊羊爲親檄捧毛君喜
滿座衣留荀令香翠竹雙竿標勁節紅梅一萼賞孤芳
纂修家學春秋傳世世勤儉鑿壁光

所欲從心與俗違冥冥天外羨鴻飛家庭眞趣和而順
山水常遊樂不歸老我詩書勤玩索看人裘馬逞輕肥
輝騰紫氣沖霄漢南極星明接少微

龐公榻下拜遲吾得讀新詩快不吁高曲從知人和寡

有鄰可卜德何孤巢由耳洗羞充隱楊墨言盈距大儒
矍鑠是翁堪繼馬書傳誠子古今謨平志事苦艱

李宣翼

字拔可福建人進士江蘇補用同知

善於詞賦

鬢裏江湖未覺秋婆婆客與宴遨頭撫膺幕府論增竈
抵掌神州說運籌晚節好春娛杖履兒曹輿誦起田疇
門庭孝友多佳氣紀述才疎愧唱酬

鞠脰舂韞取次嘗登堂朋酒賦羔羊似聞彭澤歌歸隱
爭爲南豐蕪瓣香閱世百年人愈貴端居十步草能芳
傳家更有文章富起認巢湖貫月光

猿臂封侯志縱違待看鸞翮刺天飛迎師武子吾知免

仙槎自壽徵詩集

卷上

三

遊說申公客始歸社饗發春新釀碧綺窗臨水早梅肥
幅巾入夜占南斗猶帶人間一少微

安步扶鳩足養吾偶談時事重嗟吁義皇世遠身將隱
正始音留道不孤儘有溪山供老景也應禮樂待名儒
我慚鞞珮羣賢後健羨萊衣拜典謨

查燕緒

字權亭浙江海鹽州人乙酉舉人江蘇候補同知

與諸田

查歸瀛海十經秋霜鬢侵來漸白頭笑我文章空著筆

武昌張廉卿師授古文法學而未工

輸君詩律幾多籌欲陪後鄭經師席

敢道今髡賢者疇檢點曩篇出縑素平志事苦難酬

年來嚼蠟味深嘗欲訊詩人到五羊

辦會譚彤士太守國恩昔年同游日

本花萼何緣醫白俗

余學香山詩

松籟未見媿黃香幾回滄

海驚桑變恰好山椒賦菊芳

余幼遭津離之敗長更兵燹又值中日戰事

佳

句重陽先自壽巍然魯殿仰靈光

世事磋磨與願違先鞭幾輩久騰飛丞哉悵我虛名掛

老矣浮家何處歸竈釜頻年無子跨

雙兒好學年十九娶婦半月而逝

渥洼近歲得兒肥

余年六十三矣薰兒才四齡

一經傳德難君遠門

有星光照

紫微

濟變匡時各盡吾行年七十忽長吁似聞

國政都新政能嗣家聲恰早孤澤遍梓桑真義士芬流

仙槎自壽徵詩集

卷上

三

芹藻一耆儒而今回溯兒時事祖笏長留到魏謩

馬瑞熙

字船西浙江海甯州人廣貢江蘇候補知縣

松竹青葱氣未秋冬來挺秀碧山頭比他桃實三千歲

合彼耆英九百籌高詠新詩猶謝朓善談名理亦劉疇

莫論鵝蚌蝸蠻事萬變紛紜一笑酬

仗義踈財古孟嘗朋來爭獻束脩羊滿庭桃李成佳蔭

繞室芝蘭發異香手檢殘編先澤闡耳鳴陰德後昆芳

豈惟七十人稀見餐物還須賜孔光

羨君久與世情違獨立庭前看鶴飛顧影渾同張博望

掛翁繪有

乘槎小影生兒不讓尹翁歸長憂家國形多瘦小隱田

乘槎小影

園道敢肥試采商巖芝五色伴將大藥起衰微

平章風月不支吾漫向山牕掩卷吁鮐背稱觴懽族鄰
虎頭食肉笑公孤入秦誰返相如璧變魯翻嫌子夏儒
祇望老人星燦爛磻溪崛起贊訃謨

胡調元

字格村浙江瑞安縣人
進士江蘇即用知縣

一硯爲田亦有秋先生七十話從頭儒門累世傳經貴
戎幕當年借箸籌章服新

恩承

北闕養桑餘事課西疇慚余未識荊州面但有詩篇許
唱酬

仙槎自壽徵詩集

卷上

十四

書生戎馬一身嘗豈屑功名等爛羊鄉國滄桑餘浩劫
詩書門第有清香戟轅已見郎君貴彤管兼貽女史芳
更喜文孫新擢秀豐城劍氣躍龍光

老境何曾壯志違讀公詩句爲眉飛陸游君國樽前感
杜甫田園亂後歸籬菊晚猶銜銜節勁庭梅瘦尙孕花肥
皖山祇隔江南北翹首弧星映少微

維新厭聽說枝吾萬口同聲付一吁

國事何堪談豎子人才誰可任公孤

以原唱有怕聽流俗
維新說之句用

廣其意 乾嘉自昔稱全盛鄒魯如今幾宿儒願祝遐齡逾

伏勝中興重與頌

皇謨

姜倬漢 字晴佳 浙江人

翰藻遙頌記菊秋 徵詩在甲辰九秋

領鉛辭握績贊麟圖箸借籌碩德人爭推魯殿大年天

與錫箕疇最奇七秩猶青鬢揮灑煙雲訂唱酬

滄桑世變記曾嘗毒肆腥羶憾犬羊劫後枌榆新列蔭

亂餘芹藻復生香一經課讀青箱繼雙節傳名彤管芳

更喜弧南星耀處親承

鳳誥沐

恩光

仙槎自壽徵詩集 卷上

五

莫笑封侯願已違頻年逸興倍過飛槎浮海外圖曾誌

粟貸鄉中善悉歸春日叅軍蠻語諄秋風吏部蟹螯肥

放懷自信無羈絆慎獨從教凜隱微

經猷江左重夷吾未獲登朝效嘒吁志戀丹青蹤惜隱

調高白雪和嫌孤三倉簡誦傳奇字八行科兼仰碩儒

鄭重維新常結舌期昭實際凜

宸謨

陳志堅 字思九江蕪新陽縣人舉人青浦縣教諭

堯階萑莠數春秋七十年華尙黑頭曾向文壇摘麗藻

更從軍幄運前籌慈祥儉抑兼三寶富壽康甯備九疇

厚澤滋培終獲報封侯莫謂志難酬
世變滄桑昔倍嘗暮年適志且常羊一鄉久著衣冠望
七葉長留芹藻香得地靈椿常茂美交柯貞木競芬芳
褒揚疊荷

恩綸降共羨家肥與

國光

翹首青雲路不違聯翩小鳳刺天飛已欣哲嗣紆青去
又見文孫奪錦歸經訓畱畬徵學殖和風翔洽致家肥
壽星輟夜輝南極精采爭看映

紫微

仙槎自壽徵詩集

卷上

去

儘有蘧廬足寄吾感懷時局動嗟吁稱觴未許嘉賓集
分韻何嫌雅調孤服餌希夷真隱士傳經轅固本名儒
小蘇况已才猷展會傍

黃扉贊

帝謨

沈潮

字雪門浙江會稽縣人
沈朝侯補知縣

箭駛年華春復秋感懷往事到心頭家聲且自傳經守
時局憑誰借箸籌齒進七旬添鶴算身膺五福備鴻疇
稱觴舊例刪除盡合把新詩共唱酬

世味艱辛已徧嘗補苴乏術等亡羊功名未遂先鞭著

文字猶餘晚節香累代藻芹如拾芥盈堦蘭玉競含芳
還欽貞婦茹冰蘖繼美尤增女史光

任教身世兩相違頤養林泉逸興飛寄慨書城經火劫
倦游戎幕帶雲歸蒼顏柏老當逾茂傲骨梅癯不受肥
贏得桑榆無限好風光漫道夕陽微

圖繪乘槎足寄吾升沉隨遇莫長吁雪泥印跡鴻飛遠
風格超羣鶴立孤

紫諾頒新榮顯秩青氈復舊慰耆儒從教安定淵源溯
壽世於今紹遠謨

陳元勳

字書紀浙江山陰縣人
巢縣學堂英文教習

仙槎自壽徵詩集

卷上

七

大椿豔說八千秋矍鑠精神未白頭半世西園承翰墨
九天南極曜平疇介眉迭進孫曾拜手頻添海屋籌
韻事一時傳眾口騷人墨客兩相酬

畊研畚經味飽嘗搜羅博雅到商羊江南子舍曾參養
林下孫枝泮水香修竹虛心同坦白黃花晚節更芬芳
清閒消盡神仙福魯殿欣瞻梓里光

傳經劉向與心違早歲從戎志奮飛滿地干戈悲往事
故園松菊喜今歸風廊水榭人逾健春水桃花鰕亦肥
蔗境回甘供老福晨光終覺未熹微

朱霞白鶴是今吾跌宕名場喜復吁堂構繼承棠蔭美

聖書褒許柏舟孤壺中歲月邀仙侶座上簪纓仰大儒
恰喜荊州能識面祝公頤養當嘉謨

殷松年

字墨卿江蘇丹徒縣人青浦縣訓導

莽莽煙塵浩劫秋時艱備歷數從頭危巢昔慨難安枕
故壘今聞罷唱籌一片青氈完趙璧七旬黃髮衍箕疇
桑榆無限風光好世德由來必獲酬
一笑掀髯旨酒嘗林泉風月任相羊黑頭爭識吟身健
丹詔新分

御案香階不奇芝方競秀閨中貞木況流芳料知和氣
門庭譎鍾毓湖山亦有光

仙槎自壽徵詩集

卷上

六

投筆封侯願已違青雲不羨烏爭飛有才倚馬枚舉速
無諠噤蟬杜密歸祝噎羣仲桑梓敬課畊應喜稻梁肥
坐看吳會家書達幾日萊衣觀

紫微

章編三絕見真吾新說驚聞幾歎吁書付秦灰同有恨
歌翻郢曲不嫌孤昌黎原道從衰世安定傳家本宿儒
我亦精廬叨半席執中私願誦虞謨

余愔

字勤夫湖南平江縣人

昨夜層霄煥彩妍少微南極正當天眾仙團拜呼嵩祝

綠野堂開玳瑁筵

曾焚筆硯冀封茅曾自乘槎射海鮫老去功名心事淡
范增七十隱居鄴更詒精妙啟醜

紅羊休問舊田園泮水繽紛祖澤存玉樹芝蘭生滿室
東山家世本清門人拙藝荒愚士直襟襟八千湖益母

顧視清高矍鑠翁不爭新巧與時同芙蓉峯頂焦湖畔
日自編茆理釣筒重竹却嫌驚與同遊

澆去胸中一段愁閒情時自寄金甌養生應得莊周訣
長此朱顏與黑頭

誰向空山捉臥龍衣披鶴氅策鳩筇形廷雨露十萬十
恩方渥

仙槎自壽徵詩集 卷上

九

紫諾身榮一品封

濟人心急似阿彌撒手黃金老不辭怪底巢陽千萬土
一時爭樂壽公詩

胡援講學窮經史錢儼能詩樂唱酬大作出同事錢弼丞交來弼丞亦有
和章懷抱超超風義重何時載酒與同遊

脈脈朱賡旦字闓元湖南湘鄉縣人江蘇候補知縣同芙蓉峯頂焦湖畔

綿長歲月永春秋人駐蓬萊最上頭椿樹八千時益景
耆英九百算添籌東溟進釀來青鳥南極騰輝映綠疇

盛世彭錢今再見更能詩句遍詒酬
詩似醇醪沁齒嘗才高倚馬更思羊神凝金粟人長健

聲澈瓊樓句亦香門巷烏衣新繼美洞房青瑣舊貽芳
杖朝自合長對南嶽星峯火燄

頽靈壽經術入應仰孔光時英錄道同庚丈思職
扶搖直上願雖違雛鳳聲清已奮飛老去廿年戎幕返
貞全雙璧德門歸文能世壽同人壽心祝家肥共冊光
國肥回首神州新氣象仔肩道德念精微靈蘇前未
爲官翻鄙執金吾時事盱衡此嘆吁千載豔傳雙節勁
五雲深擁一筇孤稱觴華屋欽耆宿珥筆薇垣媿陋儒
卻羨郎君新迎養定教山簡友劉謨大善全誠

張孚襄

字華農河南南陽縣人戊戌進士江蘇即用知縣署理嘉定縣

仙槎自壽徵詩集

卷上

三

閱徧和春與好秋羨君黑髮尙盈頭若逢潞國成雙壁
數到堯夫勝幾籌人喜靈光留魯殿天教全福集箕疇
鯁生未覩躋堂盛也貢新詩代旅酬壯瓊新
險阻艱難昔備嘗如今壽字集千羊于
絲綸此日頭銜貴芹藻當年手筆香一樹靈椿猶未老
兩堦玉筍已齊芳更難佳婦都奇傑鍾郝爭標史冊光
莫恨桑蓬志願違回思投筆興邊飛依人偶作三言掾
媿老新從五嶽歸儘有縹緗供寢饋何須衣馬耀輕肥
臚壇督領吟身健南極星邊見少微

肝膽鬚眉遠照吾縱談世事每長吁擔將舊學雙肩重

障到狂瀾一掌孤門第燕山多後起家風安定本耆儒
耶君五馬官方顯應有鴻猷贊

聖謨

張峻基

字梯青山西介休縣人癸巳舉人江蘇候補知縣

閱歷滄桑春復秋人間舊事說從頭弱齡早逐鸞旗隊
壯歲還參虎幄籌善氣迎人欽道貌稀齡介壽衍箕疇
躋堂何物堪將意一卷新詩勉唱酬

神仙虛誕亦何嘗五老曾傳穗石羊修道幾生方得壽
藏書七世有餘香輝煌南極增新錄隱逸東籬愛晚芳
更喜簪裾羅膝下瑤池應遜此風光

仙槎自壽徵詩集

卷上

五

逸志豪情老未違登臨攬勝步如飛廿年曾切終軍願
五岳真同向子歸天佑善人惟體健心憂斯世肯家肥
請觀助麥施困誼誰謂於今古道微

藏刀聞說寶昆吾雖未明庭效拂吁且喜家門賢有後
更欣鄰里德非孤壽人共頌

熙朝瑞講學無慙當代儒佇看芝蘭齊濟美敷施經濟
本前謨

段維柏

字友蒼江蘇金壇縣人廩貢

不老靈椿春復秋星輝南極仰當頭錦堂此後重開宴

帷幄從前早運籌七葉書香遊泮水五花

封誥衍箕疇少陵縱有古稀詠願卻稱觴作唱酬
辛苦艱難早歲嘗品高不受牧牛羊亂離國事圖書燼
安定家聲姓氏香欲表

螭頭陳至性謀貽燕翼永流芳承歡佳婦雙貞節
聖代旌揚荷

寵光

決勝徐方策莫違指麾止馬疾於飛才高定遠偏知足
跡類淵明早賦歸破浪乘風圖自壯愛人學道戒私肥
維新守舊爭分黨不作危言獨見微

志學回頭日省吾親嘗世味發長吁遷流變局憂胡底
仙槎自壽徵詩集

卷上

三

唱和吟壇興不孤見義勇爲傳至聖好仁莫尙是真儒
九重

慈壽猶謙抑天下臣民奉

典謨

于漸達

字吉儀江蘇金壇縣人歲貢

君家文定說春秋泗水窮源到盡頭從古達人多食報
於今壽域又添籌大椿得歲旁敷蔭累葉傳經當服疇
積厚流光非偶爾百齡奢願豈難酬

世味都參道味嘗路歧何至歎亡羊將軍蓮幕花雖好
故國蒔羹菜自香變閱滄桑千種劫書留帶草一庭芳

湖州家法今猶在啟後承先兩有光
事事何曾素願違駒光一任去如飛躬逢丹詔推

恩至眼見青年奪錦歸七袞遐齡從古少一門人瑞是
家肥况君別有謙冲度載詠佳篇妙入微

好官不羨執金吾時事傷懷慣拂吁擾攘羣生都似夢

愁遣一老莫嫌孤香山畫本皆前輩安定家風豈腐儒
指日蒲輪來下降相秦百里展良謨

鳳強敦保字毅宜江蘇溧陽縣人廩貢

丹陛

恩綸迂九秋笑看簪笏滿牀頭揮毫久樹騷壇幟晉爵

仙槎自壽徵詩集卷上

新添鶴算籌忠厚傳家徵積善康強逢吉合陳疇香山

詩句人爭羨介壽何妨唱更酬

風塵况味夙親嘗何事功名慕爛羊不愧一門推梓望

最難七禩纈芹香芝蘭自競階前秀松柏偏饒歲晚芳

移孝作忠有令子香山畫本昔前輩

國恩家慶兩增光

淮右從戎故里違萬言倚馬疾於飛當年仗策軍門去

此日乘槎海上歸德儉常思周族黨時艱不忍饜甘肥

滔滔皆是狂瀾倒砥柱中流力豈微

弄斧班門莫笑吾感懷世事共長吁外交無術謀多拙

中立徒勞勢已孤，破浪乘風誇游學。芸人舍已乏真儒，先生獨抱憂豈志。耿耿忠忱秉

聖謨

徐公修

字慎侯，江蘇青浦縣人舉人。

國手誰能擅，弈秋封侯枉說爛羊頭。愁看鄰境蹊田奪，煞費司農仰屋籌。世事無常似傳舍，使君歸老守先疇。定知于氏陰功積，駟馬門闈厚願酬。

能爲百事榮，根嘗勤學當年重。樂羊快睹盈堦芝，草秀

堅持老圃菊花香。參軍夙闡陰符秘，公昔年曾在戎幕安定長

流世德芳，我願續成延壽賦。巋然殿仰魯靈光。

仙槎自壽徵詩集

卷上

壽

傳經心事肯容違，時習真如鳥數飛。況有綵衣萊子舞，並同晝錦魏公歸。直教壽世兼榮世，願積家肥到國肥。洛社耆英圖像繪，未應人往更風微。

富强趨重管夷吾，世變難回大可吁。貞媳榮

旌雙節勁，公有兩媳，並旌貞節老人上應一星孤。集思廣益真名

士，後樂先憂古大儒。五福由來惟壽冠，九疇箕子進良

謨

張家鎮

字雄伯，江蘇青浦縣人舉人。

大椿歲月幾經秋，不信人間有白頭。正值嵩呼同獻瑞，側聞海屋亦添籌。一經世守劉公業，五福天陳箕子疇。

笑看兒孫牀上笏憑君積德後人酬
好客當年似孟嘗園林一炬付紅羊故山無限桑田感
晚節猶存菊圃香擢擢芝蘭剛毓秀森森貞木各流芳
一門忠孝兼廉節青史他年翰墨光

漫笑封侯素願違頻年草檄疾如飛功成勒馬淮陰去

計左乘槎海上歸仙尉宅中梅萼古米顛樓外稻孫肥

德星聚處吾能指山色蒼蒼露紫微

巢縣有金庭山一名紫微

滿地橫流著故吾莫因殘局動長吁學傳安定人爭埒
詩慕篁村德未孤千里論交無俗子一鄉造福卽名儒
鳳毛況有英賢在會展長才贊

仙槎自壽徵詩集

卷上

五

帝謨

徐宗德

字養田江蘇青浦縣人廩生不別韻有序

壬寅歲

乙樓錢公祖爲我邑宰一以居敬行

簡爲治後晤方純府兄謂其儉樸尤爲可風

甚至稱爲三代以上人物何令人景仰若此近

展段友蒼先生函埒以巢縣

仙槎胡封翁七十自壽詩屬爲遙和封翁以

物力艱難祇以徵詩爲壽其儉約亦可知矣并

稔封翁爲乙樓公祖至戚朱陳世好而儉

德自是不孤真所謂二難并焉爰呈俚句以誌

欽慕

鄴湖之間多高人王喬梅福無與倫山河奇氣鬱必發
世間福壽鍾翁身聞道李白長庚謫休疑思邈鍊丹客
惟有造物愛仁人算增七表頭未白昔年曾經兵燹場
藏書樓閣付紅羊傳檄彭城天不定子房功成還故鄉
舊時朋輩多零落重開堂構勞量度卻喜階前蘭桂芬
一枝秀出糜高爵望重粉榆鮮匹儔重九應泛菊花甌
只因儉德行吾素聊徵和章當酒籌而況蒿目今時局
歐美風潮斷遺續託言物力惜艱難讀翁瑤章識心曲
此是一腔忠愛心不同避壽負知音鯁生亦是憂時者

仙槎自壽徵詩集

卷上

美

火逢同調且長吟雲山重重路千里芙蓉嶺上暮霞起
何日長驅問字車空對老人星翹企祝翁年高愛翁詩
自壽詩比袁枚奇再待三十九年後請翁壽我七旬詩

一 徐宗澤

字潤農江蘇青浦縣人附生

不和韻

二毛憐潘岳先生髮未斑八公童可化七秩老偏閒教
子方追竇从戎筆擲班眼前都後輩笑指夕陽殷
人所難得者名門事事全詩書縣世澤節義本家傳積
德光難鬱爲仁壽自延

君恩圖報處佗看後人賢

葉清芬

字誦先浙江嘉興縣人

才華富媿晉陽秋，伏叟而今羨白頭。
繼世書香綿厚澤，壯懷戎幕贊邊籌。
新詩墨寶傳千紙，上壽封箕衍九疇。
春滿畫堂梅訊馥，介眉應共兕觥酬。
瓊露曾餐玉液管，神仙便可擬修羊。
五車璀璨石渠富，七葉繽紛泮藻香。
霞棟雲楣曾厯劫，蘭階芝砌遠留芳。
更歛闔閭高雙節，綽楔珉珠萬古光。
萬里封侯願縱違，定驅鸞鳳學仙飛。
香山胡杲休言老，栗里陶潛背不歸。
二品珍禽榮袞服，五陵車馬讓輕肥。
熙朝人瑞窺乾象，角亢星暉映少微。

南飛鶴奏愧今吾，天地間生仰面吁。
飄泊江湖緣耿介，

仙槎自壽徵詩集

卷上

七

縱橫詩酒太高孤，龍眠鹿起都名士。
梅福王喬盡碩儒，公本山靈鍾毓秀。
咸存長世作經謨。

李葆鈞

字權樺，福建侯官縣人。乙酉舉人，江蘇教習知縣。

老健吟詩氣不秋，滄桑世事數從頭。
干戈聞警田餘硯，帷幄參謀箸借籌。
共祝千春增鶴算，更誇五福備龜疇。
高曾矩矱書香遠，雛鳳齊聲似唱酬。

佳境渾如蔗味嘗，椿庭視膳備千羊。
爭看春日華堂永，私羨秋容老圃香。
蘭桂滿階家學富，松筠雙節閭儀芳。
他時重晉延年頌，南極星芒煥夜光。

虎阜登臨願不違，年來腰腳健如飛。

公來吳訪錢乙樓同年話舊因扁遊

諸名勝每日徒步
往返略無倦容

游山蠟屐隨人著介壽詩篇滿載歸

永錫遐齡臻耄耄獨騎款段謝堅肥乘蓮太乙醜顏醉
畫裏扁舟入翠微

舊學商量笑故吾輕材何以慰

堯吁自憐賤子迂成癖今見先生德不孤善氣迎人皆
壽相詩才不俗即通儒在前珠玉難賡續偷曲墻邊學
李謨

宋殿元

字楨杉山西交城縣人丁酉拔貢在蘇即用知縣

管領風光七十秋老成今喜見龍頭好將椿樹爲年紀
平數蟠桃作酒籌圃泛黃花留晚節堂開綠野課春疇

仙槎自壽徵詩集

卷上

三

夕陽景況無邊好莫恨東隅願未酬

世味醜酸昔備嘗豈知佳什兆無羊一枝芹采文章重
五色花封姓字香老鳳更兼雛鳳好桐枝不減桂枝芳
最難並代閨門秀大節爭留形以光

參幕彭城未久違彎弧曾羨馬如飛終童莫副封侯志

翁子何須佩印歸海上忘機鷗鷺熟灘前垂釣鰕魚肥
田園消盡人天福不作客星犯紫微

守道不渝遠勝吾爲君搔首重嗟吁懷將和璧人難識
唱到陽春調自孤並世誰能扶絕學者年端合屬真儒

賦詩獻壽期頤祝愧乏鴻文竄典謨

劉歌雅 字廣熙浙江江山縣舉人江蘇大挑知縣

晚景歡娛九月秋題糕兩度數從頭元唱成於甲辰重九迄今兩載餘

漫將丹藥談鑪火重把黃花當酒籌道德有經參柱史

粹倫攸敘錫箕疇尼山心矩今難見羨慕先生夙願酬

春酒濃斟一笑嘗兜觥端合配羔羊槐堂筵祝靈椿茂

蓬島槎浮仙棗香公號仙槎畫士為繪乘槎小照難得柏舟同矢志公

賢媿均過門守節還欣芹藻永流芳公先代世列膠庠哲嗣文孫又相繼

許會看耄耋重開讌人瑞長增

聖代光

承歡繞膝未曾違仙吏不誇鳧鳥飛折翮遊宦江蘇迎養承歡真天倫之

仙槎自壽徵詩集 卷上

无

樂好任郝隆宏遠志何愁伯約奉當歸揚名早慰登龍

願處境翻教食蛤肥公由豐而盛處之泰然至聖有言仁者壽公好

周人急見長生妙蘊悟精微

雲程馳驟孰知吾伏櫪年年動感吁自愧一官同梗泛

未能三徑撫松孤梯航滄海推時傑新政既行仕途強有力者多假出半

為終南捷徑砥柱中流賴碩儒且喜新詩隨雁到邯鄲學步

仰嘉謨

李琛 字松客江蘇江甯縣廩生

歐美風潮天地秋驚濤直捲海西頭立黃血戰今初勁

民族競爭至今日始列黑白棋爭孰借籌健鶻摩霄誇

往代直闖牆之門耳

羽翮神龍伏蟄隱田疇巋然一老風流甚笑看煙雲樂
唱酬

天教境遇蔗甘嘗福祿長生頌吉羊傲骨黃花貞晚節

靈根丹桂毓奇香典型前輩風規古幹濟良材嗣系芳

作宜公祖朝名聞遠近客座數人才者恒首及之通德高門多盛事雙旌綽核

又增光

漫言志與遂初違把酒看花逸興飛山水一生窮禹迹

菊松三徑羨陶歸芳徽繼武繩安定公不愧家學兩文孫又皆噪名學界

勝地居鄴媿合肥淮軍人才合肥為最觀公一門濟濟其繼合肥而興乎一自瞻

韓聆緒論名言往往見精微

仙槎自壽徵詩集

卷上

三

俯仰盱衡感故吾神州厄運發長吁讀書致用人才少

入世論交意氣孤束髮受書削厥薄科舉之學自待頗不薄今頻年踰陞壯志消除久矣

賓戲未能工掇拾伯宣公祖尺牘精妙不才為司筆札獲益最多臣飢何敢羨

侏儒吟公詩句欽公志風雅從來繼典謨

方道濟字謙初安徽定遠縣人江蘇吳江縣知縣

調寄千秋歲

代生明哲陶朱富桑葉公家風富辛年陡遇紅羊劫莫遂封

侯願歸去謔彈鋏續儒業文孫又報芹香捷行馬郎官

貴括爾伯宜直刺得交者咸謂官必至監司豸繡必持節

錫綸綉公已榮得一封典光闕闕兜堂爭獻頌人瑞兼人傑

更奇絕古稀未露一絲雪

公原吟有霜華未上老人頭之名句

方澤久

字秀生安徽定遠縣歲貢生試用訓導

筵開七秩享春秋杖國高年未白頭南極星輝綿鶴算金樽酒滿數觥籌家藏

龍詒榮三錫天與彝倫叙九疇待到葭灰飛六瑄登堂願共眾賔酬

甘苦詩心靜夜嘗偶然起舞學商羊服官雅擅晉江譽思樂先賡泮水香解散貲財能種德保全名節自流芳愧余壯志消磨盡郢曲何堪附末光

漫道維新與願違孫枝蔚起羨鵬飛翁猶矍鑠人爭賀

仙槎自壽徵詩集

卷上

三

水滿濡須客正歸滄海怕聞鋒鏑警家山喜話稻梁肥秣陵多少興衰事一角蒼煙鎖翠微

慷慨千秋自有吾莫教短歎復長吁抗顏師表名難副

時節追步鄉賢德不孤伊古文章歸宿學從來耄耋屬

蘇州通儒立言蘊藉貞松柏盥誦常如慄訓謨

再疊前韻

飛下瑤箋正九秋

乙樓老哥以元唱見遺令人一讀一擊節新霜笑插菊盈

頭琴書愧我偏遺世帷幄輸公獨運籌天錫遐齡瞻北極人歌樂歲聽西疇躋堂未遂稱觥願安得賓朋互唱

酬

學仙滋味已親嘗爲覓長生石叱羊且讀詩篇徵壽考

如披譜乘播馨香公纂小序一則萊衣起舞贏三爵泮讀之如鏡全乘

藻揚徽繼眾芳公自高曾以下七世列膠靡公之交孫方與未艾所欲從心頌

紫諾九天閭闔拜

重光

劫火連天素志違當年陡覺夢魂飛有臺詩紀南山壽

養老人從北海歸立德立言身不朽臣廉臣法國之肥

蒞刷服官蠶省頗爲上峯引重

方平世系君能續易理傳家語入微

香山會裏見真吾頌禱情深莫歎吁搔首忽驚霜雪短

余未五十而髮漸白公屆古稀鬚眉盡黑真壽者相

當頭唯愛月輪孤公之誕辰在冬月

仙槎自壽徵詩集卷上

三

等身著作推前輩壽世文章仰大儒難得睢陽稱一老

升恒日月獻嘉謨

方嘉棟字松友安徽定遠縣人丁酉拔貢現署江西南豐縣知縣不和韻

題成一幅彩雲箋人自清閒福自全門望豔稱周室後

壽星朗照少微邊疎狂詩酒聯同輩嘯傲湖山不計年

若使塵勞牽俗累那能平地作神仙

鴻雪因緣迹已陳半生回首慣勞薪海濱久抱乘槎志

江左曾爲入幕賓一自功名付兒輩只將餘事作詩人

而今寵拜

芝泥誥看取宮袍著手新

浮榮曾不慕，暫纓風雅襟。期古性情合，子能爲賢刺史。
我公還是老書生，小同况復傳家學。饜序於今有盛名，
戲著萊衣齊下拜。掀髯一笑酒頻傾，十載瞻依慰識韓。
知公事事等閒看，平泉花木饒清興。鄴架圖書結古歡，
鈞渭自然奇遇在。懸車翻覺昔人難，抽毫爲註長生錄。
卻老何須九轉丹。

方乾武

字純府，安徽定遠縣廩貢。現署廣東廣甯縣知縣。不和韻。

朝來飲露夕餐英，環堵蕭然遺世情。碧水丹山閒歲月，
天邊南極一星明。

仙履雙雙落九垓，無邊春色鏡中來。更看玉樹臨風立，

仙槎自壽徵詩集

卷上

三

倚杖徘徊笑口開

碑版琳瑯四座春，網羅散佚見精神。鄴侯架上書千卷，

掃閣焚香對古人

皖公山色鬱蒼蒼，一曲雲遨侑舉觴。斜月淡雲人影散，

氤氳猶繞辟寒香

汪錫增

字季航，江蘇上海縣舉人。原籍安徽巢縣。

一株椿樹衍春秋，恰是梅開嶺上頭

北闕紫雲鸞捧誥，東瀛碧漲鶴添籌。登盤果熟三千歲，

演策圖呈九五疇。更羨吟懷老逾健，香山絕唱眾難酬。

四君高誼薄原嘗，八伯才名軼阮羊。早占芹宮家學永，

壯游蓮幕筆花香白裘徧覆貧生冷彤管雙流幼婦芳
劫後尙留模範在巋然人仰魯靈光車前門屐半
作善天心自弗違一門雛鳳各爭飛早看竹使分符去
又見桐孫奪錦歸詒穀豈惟家有慶培材信是國之肥
儘容老子婆娑樂風月雙清伴少微盜湖蘭王贊
維新時說太支吾世運蒼茫動感吁蠹市雷轟原偶聚
鷄鳴雨晦不嫌孤絳都今日論奇字伏座他年重宿儒
聖代乞言恩遇渥正資更老贊

宸謨

胡士璜

字璧如安徽休甯縣附生

仙槎自壽徵詩集

卷上

壽

滄桑歲月幾經秋杖國年華未白頭惟向騷壇開壽域
不教海屋獻觥籌青箱學足三餘業

紫誥

恩榮九錫疇畢竟慈祥饒後福康頤繁衍自天酬
自昔艱辛已備嘗由他失馬與亡羊鳳毛克濟昌時美
虎帳曾聞磨盾香滿座琴書消俗慮盈階蘭玉競聯芳
更看褒獎
絲綸降彤管雙增史冊光鳳谷
抱負終教願不違龍蛇落筆運如飛軍前捫虱洋洋論
湖上乘驢得得歸幕府掄才班馬老書城蝕簡蠹魚肥

維新莫切憂時忿拾唾遐荒具體微

盟誦佳章足啓吾感懷已往漫嗟吁一鄉梓望躬存恤

七代芹香業不孤壽世文章宗實效傳家理學仰名儒

高風門第均堪羨不愧虞媽遠大謨

何聲永

安徽望江縣人
江蘇候補知縣

上壽初臻玉杖秋

後漢書仲秋縣道皆案戶比
民年始七十者授之以玉杖

蒼生憂

樂在心頭烽煙曾賦無家別

翁幼遭粵逆之亂
甚於杜陵之苦

戎幕常

襄借箸籌

曾主董梧軒
軍門幕府

巢伯湖光懷亞父

翁居鄉
世族

徐無

山好羨田疇

翁壯年嘗慕田君之
爲人練鄉圖拒賊

韜光且自鳴謙退何

必隆隆壯志酬

仙槎自壽徵詩集

卷上

壹

庭訓兒孫瞻共嘗康莊不復懼亡羊

翁訓誨兒孫課程
一致無虞歧聘

羣經枕莖家聲遠

翁家世
列膠庠

五馬功名姓氏香

折嗣伯宣
以名諸生

游陞水守
需次江蘇

天上角亢多紉纒階前蘭玉自芬芳萊衣舞

獻岡陵祝笑擁華堂杖國光

弈世書香願莫違

文孫頤福
今秋入泮

鳳雛鶴子各雲飛丹霄風

家運漸隆翁頤養
天和共樂如仙

好蒸蒸日上紫陌花開緩緩歸

家運漸隆翁頤養
天和共樂如仙

爲善定

須求碣實

翁家累代行
善登見邑志

貽謀先自誠輕肥

翁嚴肅簡樸
遠邇仰鏡

更饒一事堪欽羨綽楔雙輝表式微

翁兩媳過門守
貞苦節逾恒

文章詞賦邁肩吾時事如斯一歎吁擊楫何人制夷狄

置棋誰復責公孤寬柔以教能延壽定靜而安是大儒

敬薰心香聊拜後願翁錫我聖人謨

楊樹森

字子達安徽懷甯縣附生江蘇候補府照磨

君臣一德祝千秋

時七十萬壽

皇太后亦

耆老班聯最上

頭名滿膠庠綿世藻

公家世列膠庠

灰飛葭管正添籌

恩濃封誥榮三錫

帝許同聲頌九疇風采過人文潞國杖

朝佳願十年酬

情殷古治味深嘗愛禮知公重愛羊

公學古情深不尚新法

杖國

不忘田里訓

公脚翰墨相沿不忘稼穡

趨庭時有桂蘭香

公子貴孫賢

一

身早定期頤福雙節

仙槎自壽徵詩集

卷上

美

崇褒姓字芳

公有兩媳皆未婚守旌表爭光

大斗酌來人不老桑

榆景好荷

重光

幼學壯行願屢違讀來佳什奮思飛誰言知已前途近

未必公才許我歸到底鴛鴦真福祿豈徒裘馬策輕肥

南山松柏年年茂黛色參天傍紫微

倚馬千言百勝吾功成幃幄又何吁

公本名壽功成幃幄名動公卿

天

增歲月春常在學尚程朱德不孤廣種福田緣福量

公樂

善不倦羣推名士是名儒二千石有佳公子聯步

丹墀贊

帝謨

再疊前韻

佳句飛來菊滿秋，芬芳字字出人頭。龍門我快新陳草，虎帳公會舊握籌。席暖金樽開北海，年豐玉粒樂西疇。探山釣水甘巢隱，所欲從心自慰酬。

介壽稱觴我未嘗，負他旨酒并羔羊。陳詩聊當躋堂祝，得句如聞翰墨香。鴻爪留題原不朽，鳳毛繼美更生芳。官賢太守三吳福，公子多才道大光。

鞭著祖生志早違，未豐毛羽恁高飛。鵬程萬里誰先到，虎阜卅年我不歸。秋菊乍看人似瘦，稻梁新熟蟹初肥。仙槎自壽徵詩集，卷上

羨公稱祝逢佳日，樂水樂山妙入微。

壽世文章誦到吾，望塵莫及倍增吁。書饒寰海萬千卷，澤被窮廬八百孤。公好學好善家藏萬千書頤養家居

綿鶴算挽回學術，賴鴻儒

熙朝人瑞推賢老，佳話流傳重典謨。

孫毓葵

字瞻雲安徽壽州人
江蘇候補按察經歷

七秩詩傳九月秋，菊花剛值插盈頭。芹宮早擷孫枝秀，

柳塞曾襄將幄籌。閱世心甘栖潁水，及身福已備箕疇。

十年長我雲泥判，漫道班生志未酬。

介壽方思旨酒嘗，祇因職守牧芻羊。一官才薄仍彈鋏，

千里心知自蕪香問業歐蘇原後進卜居廉讓有餘芳
嗣君他日爲蘇守章白同增史冊光水與白下千載
禮不從今眾拜違任他雌伏與雄飛喜逢人壽春暉永
樂叙天倫畫錦歸晚景正如松柏茂課耕還愛柘桑肥
最榮德節德壽德周德商德吉德羊德林德舍德順德谷德潤德白德
天語褒雙節婺女星輝近紫微

布衣蔬食日安吾起視德

朝廷禹益吁言盡楊朱文運厄釁開秦楚我軍孤救時
情切期賢相服古功深讓老儒杖國高年鄉黨彥貽謀
百世頌嘉謨

仙槎自壽徵詩集

卷上

三

王作本

字全椒縣廩貢

八千年算小春秋不信人間易白頭海上譚兵飛羽檄
座中選韻點牙籌龍威祕笈藏响嶼鴻寶奇文演洛疇
七葉貂褕垂遠蔭門牙蔚起

國恩酬德節德壽德文德星德戰德並德榮德

延齡菊酒許先嘗周簠商罍字吉羊梓舍勛名唐白傅
蓀枝文采漢黃香維摩一室天花麗妙諦三乘貝葉芳
潞國精神天與福眼看八座被龍光壽人壽春壽願壽
隻手擎雲願已違笑着鸞鷁刺天飛板輿白下千鍾養
蠟展青山一棹歸自足林泉供嘯傲漫誇裘馬恣輕肥

封侯萬里渾閒事却爲投簪隱翠微

公屢贊軍諮功成輒不自居近世名

利淡如也

蒼生誰起管夷吾時局安危付歎吁覆露盡霑仁粟惠

高風不礙德鄰孤詩仙酒聖傾流輩炙輠雕蟲薄腐儒

壽宇宏開隆孝養

君臣一德懷訏謨

俞世球 字得珍安徽婺源縣人江蘇候補知縣時年七十有二

聽鼓蘇臺卅九秋不愁金盡客牀頭宦情笑我盈千縷

詩律輸公透百籌子授黃堂光梓里父膺

紫誥錫箕疇儂今杖國慚先導待到杖

仙槎自壽徵詩集 卷上 堯

朝還唱酬

年荒時難苦俱嘗豹隱華山叱白羊七代遊庠詩禮重

兩稜守節姓名香寒儒積善方稱善遠祖流芳更覺芳

公累代好善流芳邑乘 吾母孝姑留綽楔也同日月共爭光

年迫桑榆志不違駒光過隙疾於飛欲圖報効攜芹獻

舊秋曾上條陳蒙端中丞考取課吏館特等第八名 那忍偷閒載鶴歸五馬齊驅

年更壯三星高拱貌皆肥 年前與王雁臣司馬寶殿定

星圖共年二百二十歲貌皆豐腴 莫愁時事多更變同挽維新力豈微

自問守躬未負吾年來多故動嗟吁縱無好友聲相應

幸有芳鄰德不孤我忝不才稱俗吏公能明道頌真儒

華堂蘭桂萊衣舞晉獻蟠桃聆訓謨

濮文波 字秋澄安徽蕪湖縣進士江蘇即用知縣

本來冬日勝於秋絕世風流繼虎頭桑梓濃陰開壽域

江湖浪跡賦詩籌當筵坐客傳千盞錫福從天備九疇

十丈姥山春不老拈毫我亦樂賡酬

風餐雪虐總親管累代貲財等石羊家譜從今傳治譜

花香豔說接書香巍巍門第承華蓋濯濯芝蘭冠众芳

遙祝老人星健在九霄湛露荷

恩光

戚里稱觴願不違蠻箋快劈興遄飛詠詞莫動滄桑感

仙槎自壽徵詩集

卷上

罕

綸綉新承雨露歸福壽康強因善積孝慈和睦羨家肥

後人獨抱擎雲志萬里乘槎傍紫微

鉅卿青眼早知吾感到深恩輒一吁蝸角求名心太熱

鳳臺作宦夢猶孤文郎卓犖真才子新學紛紜祇俗儒

願上高堂同祝嘏觴餘為我示良謨

朱德魁 字梅溪安徽銅陵縣人貢江蘇候補直州判

才望家丞實在秋稀齡尚未雪盈頭 公髮尚全黑 儒冠早許

成衣鉢 公賦青衿最 戎幄曾經借箸籌 公會游幕軍營 人羨

九重承

鳳諧 公現得二品封典 天教五福錫鴻疇本來積善宜家慶

也算生平壯志酬

險阻艱難昔已嘗德門幸出劫黃羊梓桑都被烽煙掃

芹藻頻生泮水香公家世列膠庠已七代矣階下桂枝欣挺秀庭前

玉樹復含芳哲嗣伯宣十八年前入泮尤難兩媳成雙

節形管同增萬古光公兩媳皆過門守節

卅載傳經志願違何妨投筆學雄飛班超本為封侯出

張翰偏因感事歸決勝每從千里外從公不為一家肥

急流勇退真韜畧自古英雄總慎微公於光緒初年從戎徐州未幾辭歸

優游林下

忠信論交日省吾浮雲世變為嗟吁且欣駟馬門將大

仙槎自壽徵詩集

卷上

望

公有能王風騷學豈孤公不尙新學惠溢一鄉稱善士書香

累化羨純儒

恩隆杖國推三老庠序重遊入獻謨

許禮榮字春軒安徽含山縣廩生

徧徵詩句壽千秋愧乏才華佐筆頭幸值古稀賡介祉

敢殫鄙悃效添籌兩齋久仰承家學五福應知錫禹疇

更喜

九重頒

紫諾封翁志願晚來酬

世味年來已飽嘗那堪滿目又牂羊黜華不喜開筵宴

惜福何如種德香推解一生常濟急詩書七葉遍流芳
門庭自是嘉祥集絢爛雲霞五色光

翹企蒼顏兩地違神馳意往逐雲飛自慚季子無長策
轉羨淵明賦早歸座有雜談徵學富門無鳳字驗家肥
私衷願上南山頌恰好斜陽滿翠微
芸窗枉自費伊吾依舊青衿倍感吁世事翻新爭巧捷
山林藏拙笑睽孤惟期補救多良弼甘作清閒一腐儒
還祝我公登八秩追隨杖履領嘉謨

查富炎

字儀齋安徽涇縣
監生流寓樂陽

文章事業足千秋七十仙翁尚黑頭名動江關無繼起
仙槎自壽徵詩集

卷上

望

尊開海屋又添籌陽春白雪傳新郢

紫誥金章服舊疇祇祝南山人共壽才微和願恐難酬
丹砂想已昔年嘗叱石山邊竟化羊種樹喜看塔下玉
吟蘭愛植畹中香羅含宅裏春風永康樂池頭夢草芳
齒德兼尊誰復似儀型真羨魯靈光
劉向傳經心事違光陰自歎速如飛作官兒爲蒼生起
媿老孫遊泮水歸孝友每期風教古鑿耕常盼稻苗肥
醪釀斟滿須頻醉嘯傲牛山坐翠微

公是今吾憶昔吾凋零舊雨一長吁

寶錦堂世叔周岐
峯夫子與先生友

善今已
下世

白元誼重情難盡山水緣多興不孤採藥洪崖

原益壽憂時杜甫本名儒新詩待詠期頤稿重播鷄林
作範謨

劉大鈞

字秉臣安徽六安州人
試用巡檢流寓巢縣

精神龍馬富春秋海闊天空在舉頭南極星辰徵鶴算
西階賓客錯觥籌老彭駿德宜千歲箕子鴻勛在九疇
賢嗣克家堪報國

皇恩雖厚亦能酬

宦味雖然惜未嘗而今可爲詠羔羊靈椿喜見一株老
采茆欣傳七葉香

紫誥新恩增氣象黃花晚景更芬芳

仙槎自壽徵詩集

卷上

望

聖朝典重褒貞節
旌表門閭百世光

當年秣馬故鄉遠志在封侯欲奮飛誰料英雄偏愛隱
果然名士自知歸治家既見家能裕道國何虞國不肥
偕老有人娛歲月課孫執易話精微

學不如人自愧吾陰戒七字幾嗟吁曲高始覺詩難和
類應方知德弗孤濟困扶危稱善士行仁抱義是真儒
百齡待進長生祝故爾諄諄則

聖謨

沈績熙

字湘農合肥縣人同治辛未進士
刑部湖廣司主事時年九十有四

一曲高歌天地秋風流誰識范長頭書藏萬卷傷零落

君家藏書甚富遭亂幾盡檄草三更記運籌君舊參徐州戎幕白傅長吟懷

北闕君詩語多忠厚淵明歸老向西疇匡時事業交兒輩少君才為

上游所重已且喜能將夙願酬滄保府道

高潔由來似孟嘗親看家世祀黃羊君先世富於財藻芹無改

先人舊君數世皆有聲序池館難尋廢徑香君家舊饒園林之勝亂後蕩然世

止滄桑經屢變階前蘭桂慶聯芳命孫新於全秋泮捷榮邀

紫誥稱遺老君已請封南極星輝夜有光

立論何妨與俗違君不喜雜新諸謬說關除異說等煙飛偶談時

事趨心熱常恐斯文失指歸君素講求前輩文作法投轄每迴千

仙槎自壽徵詩集 卷上 四

里駕君好客贈困遑計一家肥君篤於故舊慷慨好義于公早卜門

閻大君家以好善載在邑乘莫向耶君賦式微

執友相推實愧吾金蘭譜在感嘻吁君與銘兒通譜已前設二十年渥

注昔賞龍文駿華嶽今看鶴影孤面有童顏徵壽考君鬚髮猶黑

天教清福付耆儒南山好藉新詩祝風雅由來繼

典謨

李國楷字少崖合肥縣廩貢生山東候補道

人生天地幾春秋逝水光陰易白頭松柏獨能經晚歲

滄桑屈指數新籌稱觴聊擬三多祝介壽欣瞻五福疇

遙想耆英堂啟日兕觥賓主喜交酬

辣性真同薑桂嘗躋堂袞袞詠羔羊空山歲月靈椿老
壽域衣冠春酒香漫道寒松留勁節欣看玉樹發奇芳
古稀大慶人爭羨南極星添十丈光

年少從戎願未違文壇李廣舊稱飛久尋商嶺餐芝藥
已是香山致仕歸絳縣優游榆景晚青城高隱藥苗肥
殷勤更述

皇恩重惟此方能質隱微元唱殷殷以忠愛之意寓於詩歌宜令嗣

之受祿無愧也

末世功名亦負吾不才屢應鄉試不第驚心門第每長吁閑身好

似春蠶懶傲骨還如野鶴孤蜀嶺北來懷故里巢湖東

仙槎自壽徵詩集 卷下

望

去有耆儒詳書世業皇皇甚三復鴻篇識遠謨

郭寶銘字伯剛合肥縣廩貢生江蘇候補道不和韻

七十年來一宿儒松聲鶴骨羨清臞名馳庠序稱前輩

笑傲林泉裕遠謨籬菊競開傾美酒嶺梅先放祝靈株

頌君世德多耆壽繪入香山九老圖

紅羊浩劫走風塵辛苦艱難寄此身自古善人多厚福

從來名士總安貧隨戎韜畧輪奇策歸隱湖山享大椿

報到華堂呈瑞氣星輝南極正良辰

存仁浴德壯門楣芹藻相承七葉垂

紫誥榮封因子貴青衿炫美有孫奇精神強健同康節

福祿綿長繼子儀忠厚傳家流遠澤真誠接物不吾欺
自慚薄宦楚江游鳳舉鸞翔總是浮清福纔能膺大壽
介眉自合讓名流筆花燦爛傳新句尊酒酬留有舊儔
一曲陽春難繼和海雲深處好添籌

趙金凱

字子榮合肥縣人江西南昌城守副將

何止彭錢八百秋明公事事出人頭七旬曾不需鳩杖
一老今看進鶴籌天上祥光騰禹甸世間全福備箕疇
登堂願把長生祝任是巴歌也唱酬

介眉春酒喜先嘗躋彼公堂曰殺羊海上蟠桃初獻瑞
池中芹藻正含香詩壇愧我無緣分藝苑惟君擅古芳

仙槎自壽徵詩集

卷上

巽

苦節更添賢淑媛疊邀

旌表有榮光

王事劬勞莫敢違匈奴誓掃疾如飛未成功業心原歎
恐廢田園志欲歸亂後愛將松竹補秋來喜見稻梁肥
若云詩酒盤桓樂誰似先生占翠微

多謝佳章惠贈吾幾番朗誦爲嘻吁時艱軫念身偏隱
雅什相酬興不孤聲價一時高北斗文章千載邁鴻儒
萊衣未許當筵舞儉德傳家卽顯謨

朱連科

字藍田合肥縣人通永鎮標右營都司

乘槎消受五湖秋說法真教石點頭盛德自宜膺厚福

妙思早已奮元籌

恩承北闕頌花誥瑞集南巢頌禹疇蘭桂一堂齊上壽
寶能獻斝主能酬

炎涼世味已親嘗口福還占食萬羊雅量獨標仁者壽
傾談如接令公香高朋滿座成良會喆嗣清才冠眾芳
怡喜文孫游泮水書香七葉衍重光

天與遐齡願不違君侯文雅縱橫飛

劉楨詩

急公志切高

風少愛客情深眾望歸異相好同文彥博食言常笑季
孫肥抗心希古誰能及蒿日時艱詠式微

未嘗學問強支吾和罷陽春每歎吁七秩丰神卿月朗

仙槎自壽徵詩集

卷上

七

雙媛

旌表婺星孤風流自是真名士仁義無慚古大儒省識
壽人能壽世光前裕後有嘉謨

吳承忠

字文圃合肥縣舉人

仰瞻山斗祝春秋七十詩翁未白頭早歲文章逢善價
壯猷帷幄運良籌門庭芹藻延三世
天府絲綸錫九疇從此箕裘綿勿替

恩榮好待異時酬

壽宇筵開對菊嘗羣賢列座頌羔羊遐齡算合耆英會
盛事爭傳姓氏香笑指萊衣方煥綵欣看蘭蕊繼騰芳

他年邑乘留名譽世澤堪增梓里光

戎馬勛名志已遠縱談往事氣雄飛要知此日含飴樂
卻勝當年衣錦歸湖海襟期忘出處林泉歲月傲輕肥
高風到處稱巢許誰解乘槎訪少微

且喜瑤章遠賁吾弋回展誦弋長吁安貧濟世今原少
蓄德爲鄰自不孤矩矱高曾光舊業見聞博洽號通儒
去華敦實遵恒憲當代猶存典與謨

吳佑仁

字佐卿合肥縣附生

笑他凡質怕經秋翁遇風霜益出頭景駐扶桑臻上壽
營屯細柳佐邊籌藏嬌光耀三星戶祝嘏書陳五福疇

仙槎自壽徵詩集

卷上

吳

秀挺桂蘭培燕嗣未伸壯志代相酬

太羹元酒罕人嘗古道於今是餼羊講學遵洙惟守正
降才禱嶽擬焚香舊巢戢翼猶雄盼老樹生花異俗芳
欲把時宜權勉合林泉笑傲且韜光

蓬壺知己久睽違採得蟠桃捷足飛管領湖山資曠覽
平章風月每忘歸宦遊惟問桑蠶好鄉飲爭誇稻蟹肥
俾爾壽昌舒壯畧好將時局起衰微

詩中有畫寫今吾樂道憂時發感吁武畧文韜儲茂異
義漿仁粟恤寒孤南華塵滌人間世北海樽延宇內儒
移石種花皆位育紀綱家政卽宏謨

凌秉彝 合肥縣人

新詩刊刻播千秋筆墨淋漓出一頭愧我才疎鳩守拙
羨君品重鶴添籌人歌上壽傳三祝天與遐齡頌九疇
如此高年如此福皇

丹詔志能酬

知水仁山況味嘗重開新運遠紅羊岡陵晉頌千秋瑞
蘭桂聯芬一種香鳩杖同扶綿厚澤鸞章疊錫慶流芳
霓裳曲奏鈞天樂百福駢臻更有光

碌碌依人心迹違東瀛兩度挂帆飛

隨純齋星使游歷日本

山川

風景羈游覽時世艱危泛櫂歸 庚子之亂 無事丹青銷歲月

仙槎自壽徵詩集

卷上

覽

得時衣馬自輕肥長安棋局雖如此思報

君恩氣不微

嫁作他人退省吾歸來彈鋏不須吁一籌未展人徒老
萬里空勞客夢孤貧賤依然甘下士書香久已振名儒
商盤介壽重開宴拜舞堂前

紫諾謨

姚桂馨 合肥縣人

皓月揚輝照九秋星躔南極正當頭人稱奇傑龍樓客
天與遐齡鶴算籌明德已堪徵後達貽謀奚止服先疇

且欣

紫詰頽新寵不必封侯志亦酬

老樹長青霜飽嘗今逢祝嘏獻羔羊但欣邊腹娜環滿
那羨韓家芍藥香永慕椿萱推大孝生成蘭桂吐奇芳

子歸淑女為誰氏一節完全兩姓光

劉向傳經事不違何須振羽賦雄飛想看富貴如雲幻

始盼田園戴月歸北海樽開欣蝗熟南巢水滿羨鱸肥

宗風猶賴承安定星煥光芒見少微

憂國憂民不獨吾治安策上且長吁聽琴人遠音誰賞

同字朋多德不孤滄海橫流驚虎視狂瀾力挽仗鴻儒

捧觴願頌南山句庠序隆文仰

仙槎自壽徵詩集 卷上

辛

聖謨

王元輔字仲衡舒城縣拔貢江蘇候補知縣

祝君同月祝千秋封君誕辰恭逢禧慶榮封

劫上頭是年秋請二詩札寄從魚腹東年華添得鶴銜

籌散仙福相槎千里封君有乘洪範祥徵第九疇如此

丰標如此筆慚予俚句莫為酬

減卻華筵喚客嘗封君壽辰庭幃式燕也相羊味餘嚼

墨鞣通古飽我藏書脈望香澆酒到胸消礪硯餐花入

夢溢芬芳吟髭笑比鉛膏黑封君鬚髮未白醉向芸窗擊麥光

封君日以
詩篇自娛

投筆當年願縱違壯心未已興遄飛封君曾從戎幕滄桑歷遍

今與古雲鳥隨時出復歸原詩有湖邊垂釣之句七十歲還憂國

是封君常感慨時事二千石豈計家肥

封君不老郎君貴共抱丹忱答

紫微

讀罷南陔有感吾微官常累老親吁草油春色征途遠

豆粥晨煙旅食孤家嚴年已七十餘輔司權吳越千里迎養貧仕徒然欣捧

檄拙謀大半誤迂儒盥吟佳什翻心忤永矢箴言作典

謨原詩有但願兒孫承舊德何妨貧賤服先疇之句

劉昭武字緯齋舒城縣歲貢侯選訓導

仙槎自壽徵詩集卷上 至

樹雲悵望廿餘秋自愧頑軀已白頭斗室舌耕恒託業

因家貧教讀多年米鹽心計費持籌題名未克儕千佛數入鄉闈終在

孫山之外得壽應難協九疇賤體較君卓衰卻喜琳瑯遙惠我許將

拙句效賡酬

好客人傳小孟嘗令郎伯宜善接賓客榮親封典賦羔羊二册封典

為上大夫膠庠領袖推名筆伯宣名噪巽宮家學淵源繼瓣香

君家累代書香贏得采芹三代見三代入泮並立一堂亦屬罕見何殊丹桂五

枝芳更奇完璧雙賢媛彤管揚輝百世光

富貴功名志竟違與君徒自羨雄飛才嫺草檄工無敵

幕入蓮花倦即歸但覺琴書多樂趣詎將衣馬耀輕肥

宦途風味應嘗徧宜謝戎行詠式微

性甘守拙孰知吾世變無常足感吁頻念舊交情最篤
前歲君在郡城開訊今又荷函恥談新學德奚孤終期豹變占文蔚何
惜雞廉笑俗儒祝嘏堅辭敦儉樸名言廣訓善貽謨

張樹葵

字小帆舒
城縣附生

安定家聲炳萬秋鄉賢循吏出人頭七旬老健稱耆舊
十載戎行善運籌繼世冠儀留漢服恒河功德衍箕疇
滄桑屢幻紅羊劫未墜簪纓願可酬

造因結果及身嘗繞膝兒孫盡玉羊守鎮清勤唐仲郢
趨庭定省漢黃香蒼梧戲子休云樂王暎公才許擅芳

仙槎自壽徵詩集

卷上

五

不獨鳳麟俱國器蕙蘭節且燦瑤光
福備汾陽與俗違

恩濃杖國

鳳書飛三千玉女投壺祝七度瑤池帶醉歸北斗天斜
星漏轉南山松勁骨鱗肥安仁近賦閒居樂曲奏雲璈
坐翠微

稱觴祝嘏憶夷吾身世艱虞暗感吁書劍卅年空志壯
松椿千仞歎鄰孤最憐學界多餘子幸會香山仰宿儒
別具幽懷人不識興亡國事待籌謀

方澗

字六嶽無
爲州舉人

歲歲江鄉望有秋野人散髮繡溪頭余卜居養心暇日

修花史洗眼新詩當酒籌山海流觀開北牖桑麻事業

問西疇知君意興豪於我強為開懷一唱酬

酸鹹不與世同嘗鹵莽封侯說爛羊救亂才難天釀劫

遊仙夢醒晝焚香桂薑到老偏能辣蘭蕙無言只自芳

燕石登場砥硃貴終輪瑜瑾發奇光林泉此日容

應劉書記素心違雌伏湖山已倦飛鵲鶴筵間當客舞

鷓鴣聲裏拂衣歸大瓢綠酒春風暖小院黃花秋雨肥

我亦十年游汗漫霜天策馬過金微

大拙能安是故吾紛紛世變可長吁與君且作市朝隱

仙槎自壽徵詩集 卷上 三

對我不嫌肝膽孤白髮楹書遺肖子絳帷女樂拜通儒

孫曾一硯還相授留取他年贊金對

廟謨登裏賦文春風卸小剡黃蘇煉雨張

飄飄高式朝州康貢生山白雲

記得瞻韓甲午秋渾如往事敘從頭林泉此日容歌嘯

幃幄當年費運籌天錫遐齡齊郭令人誇厚福備箕疇

家傳舊物青氈在付與兒孫願已酬天

世味酸辛已備嘗時艱民共賦牂羊一即

恩承紫誥天家寵人比黃花晚節香彤管輝增冰玉潔

瑤階秀吐桂蘭芳古稀欣值添籌日南極當空煥彩光

道範難親百里違吟箋遞到五雲飛
含飴老叟分甘樂戲綵佳兒衣錦歸
積德世承先澤厚濟貧時願庶民肥
聊娛晚景知何處湖上騎驢看翠微
我愧樛材仍故吾鮮能繼述幾嗟吁
先曾祖以大挑仕蜀七邑崇祀名宦
先祖在鳳陽府學教授歸里後率先君輩
創辦地方善舉甚多至今州人猶稱頌焉
喜聯姻婭心常照遠挹輝光德不孤
未祝華堂申敬悃慚將俚句答通儒
康強逢吉如公少克儉依然奉聖謨

朱棠蔭

字少臣無錫州監生

古巢大老氣橫秋感慨滄桑暗點頭
幼學壯行憑腹笥儒文俠武運心籌
幾人雄辯談新法故里榮歸服舊疇
仙槎自壽徵詩集卷上

五

節義文章同不朽佳兒吐氣志能酬

有藥延齡未暇嘗園林深處且相羊
志存康濟知民隱味卻肥甘愛古香
怕說兵戈仍未戢喜看綽楔久流芳
高曾矩矱人爭識老去猶增吾道光
不慣馳驅與俗違遊山久矣健如飛
歐風亞雨驚天闢楚水吳山戴月歸
排難隱舍君子德捐廉常冀里人肥
一邱一壑宜高蹈卓識當年早見微

久思淡泊養真吾祇爲憂時發歎吁
七世游庠經有術千秋尙友德非孤
羣知驥子真能吏共向牛山問宿儒
亦有古稀人碌碌誰如公獨著良謨

趙夢泰

字羽文安徽涇縣人癸巳舉人前署江蘇華亭縣知縣不和韻有引

一行作吏案牘勞形翰墨久蕪乏暇擲管適

乙樓明府枉顧袖其表叙

封翁胡仙槎先生七十自壽詩出以相示泰催誦再

三見獵心喜爲賦七律三章藉效封人之祝蓋

封翁令子伯宣直刺筮仕金陵有聲爲上游倚重

康疆逢吉耆艾熾昌是可頌也爰本三壽作朋

之義貢呈

左右倘亦冀博

封翁掀髯大笑樂晉一觴則企禱之私尤不勝至願

仙槎自壽徵詩集卷上

云

奎

皖江山水久鍾英亞父臺邊最有名從古居鄉出耆碩

本來安定重家聲青氈舊業貽謀遠

紫誥新恩章服榮一事鄉鄰猶豔說太邱德望勝公卿

流光如駛去駸駸話到滄桑感不禁典籍鄉環都散佚

園亭烽火付銷沉傳家只要留書種處世常存濟物心

更看道旁崇綽楔德門餘慶

國恩深

德星聚處壽星輝

寶婺高懸護紫微萬國梯航通貢道

兩宮宵旰念民依見推當道稱良吏未共趨庭祝古稀
自恨童年孤露早娛親徒羨老萊衣

楊士晟

字蔚霞安徽涇州人壬辰會魁
內閣中書江蘇無錫縣知縣

借問靈椿幾歲秋挺然獨秀萬峯頭高文早握生花筆
經武曾持決勝籌有志上書陳

北闕無端歸隱事西疇喬松朝菌分明算不及乘槎自
唱酬

駐顏丹藥昔曾嘗烏養新添博士羊七葉承先冠最古
一經教子字都香赤松飽閱人間事丹桂叢生膝下芳
至竟讀書堂畔樹扶疎常護魯靈光

仙槎自壽徵詩集

卷上

美

芝誥揚親敬不違朵雲逸興正遄飛是翁豐鑠據鞍在
勝會耆英衣錦歸壽世文章真國瑞卹鄰錢米肇家肥
臺萊擬獻南山頌南極於今屬少微

四九知非悔故吾騶虞麟趾讀還吁得模健筆恒嫌弱
每對遐齡恨蚤孤桑梓敬恭天錫嘏藻芹思樂世家儒
丹青不入時賢眼留取鬚眉作典謨

陳景韶

字翊臣福建侯官縣人戊戌進士
江蘇卽用知縣前代理長洲縣

名山一席自千秋杖國年華未白頭芹泮風流登上選
柳營露布運前籌

堯天喜晉三多頌禹範歡陳五福疇世德馨香縣累葉

鳳毛濟美志終酬

荆棘乾坤險阻管補牢辛苦感亡羊頭銜甫拜

新恩渥腹笥猶饒古藻香捲卷蓼莪摠孺慕森庭橋梓

盼騰芳傳家清白宏門望冰雪還增綽楔光

時局江河與願違山林息影悟鴻飛功名嚼蠟雄心冷

富貴浮雲倦翮歸徧地荆榛傷

國運滿門袍笏喜家肥乾坤百塞元黃戰一老澄觀獨

表微

風雨匡廬自愛吾九州雲擾付長吁昌黎山斗文能壽

安定春秋道不孤我愛焦桐存古調人知碩果有真儒

仙槎自壽徵詩集

卷上

七

蘭陔綵服春暉永眼看兒孫贊

廟謨

楊念榮

字戰門江蘇元和人
縣人癸卯舉人

徵詩千里大江秋計日重陽菊滿頭未識荊州慚接宴

豔聞海屋說添籌

天章巍煥頽雙闕壽宇康彊演九疇我愧贈吟無別物

郵筒聊當一樽酬

一生甘苦說先嘗儉德何曾食萬羊世事滄桑多劫運

家聲類藻豔書香青氈慣擁羣經座形管還流百代芳

畢竟善人能獲報輝煌南極燦奇光

侈口維新與俗違入林倦鳥肯隨飛班超投筆曾籌策
張翰思葦早賦歸後起幸誇蘭桂秀故園敢說稻梁肥
頌聲合慶

熙朝瑞轉道

皇恩報答微

幸聞江左有夷吾感事何勞掩卷吁得舞萊衣情最樂
徧徵藻翰德非孤三吳僚屬欽庭訓四座耆英會洛儒
轉瞬期頤臻百歲賡歌壽域贊虞謨

胡朝樑

字企方江西鉛山縣人南洋水師畢業生巢縣學堂英文教習不刊韻

名世一出五百年亘古至今無不然鄴湖三百六十汊

仙槎自壽徵詩集

卷上

癸

汊汊俱有奇峯連金庭障其後大秀拱其前自昔山川
有奇氣不生英雄則神仙俞公慶侯王者佐王喬浮邱
功德圓地靈鬱久必一發我公一身兼其全少年巒序
著聲施中經世變歷艱危圖書鼎彝付浩劫達者處之
心坦夷一瓊甘守詩書業匹夫無如貧賤宜

公原唱有
何妨貧賤

服先

疇句贏得湖山供嘯傲不求聞達不求知中年偶一參

戎幕將卒羣驚發策奇功成不居身且退子房真是奇

男兒歸來不求辟穀術老去不從赤松遊聽孫讀書柳

陰立呼兒取酒湖邊游富貴功名一笑置水光山色四

時收哲人自有至樂地自古仙人無與儔孟嘗好客座

常滿千金散盡解狐裘生成俠骨帶仙骨是翁矍鑠未
白頭一門兩婦勵冰霜累代人文翰墨香自是德門垂
蔭遠森森蘭桂又齊芳七十年華世間少况復壽考而
康強郡伯公子跪致辭兒孫願得獻觥開華堂公謂物
力宜愛惜時艱不可忘

聖母且罷瑤池宴草茅安敢復稱觴娛親祇在憐民命
進酒何如徵文章卽此窺見忠愛意身在江湖心帝鄉
公貌清古有仙氣公性剛直折強梁公詩多作忠厚語
公文不喜趨時妝晚年消受香山福陶然詩酒任徜徉
小子忝列安定後不工文字頌吉羊記取嚴陵祠句好
仙槎自壽徵詩集

卷上

堯

獻與先生莫笑狂雲山蒼蒼湖水泱泱先生之壽山高

水長

公廉清古有仙氣公性剛直折強梁公詩多作忠厚語

公文不喜趨時妝晚年消受香山福陶然詩酒任徜徉

小子忝列安定後不工文字頌吉羊記取嚴陵祠句好

仙槎自壽徵詩集

卷上

堯

獻與先生莫笑狂雲山蒼蒼湖水泱泱先生之壽山高

水長

公廉清古有仙氣公性剛直折強梁公詩多作忠厚語

货号	
册数	3
定价	200

